

Abstract in Setswana: *The Uptake of Wildlife Research in Botswana: a Study of Productive Interactions*, PhD Thesis by Monica Morrison, Stellenbosch University, 2021

Ikemisetso ya thuthuntso e ke go supa le go tshologanya gore a dipatlisiso tse di dirwang mo kana ka Botswana di lebaganye le go ntsha maduo a a tsepameng, le gore a maduo a, a dirisitswe go tiisa tsamaiso ya tikologo le diphologolo tsa naga. Thuthuntsho e batlisisitse se, ka go sekaseka tirisano mmogo magareng ga babatlisisi le batsaya karolo ba ba tsamaisang tshomarelo le tiriso ya meamuso le diphologolo tsa naga mo bokone ja Botswana.

Tshekatsheko e e remeletse mo mogopolong wa gore, go lemoga bokete jo dipatlisiso di anameng mo sechabeng, go botlhokwa go lebelela tirisano mmogo magareng ga babatlisi le ba matshelo a bone a amiwang ke dipatlisiso ka dinako tsotlhe. Go botlhokwa go lemoga bothata ja motlhala o patlisiso e o tsereng, ka e itebaganya le go sekaseka mokgwa o dipatlisiso di amang tsamaiso go tswa tshimologong go ya bokhutlong boemong ja go itebaganya fela le tokafatso kana ditlamorago tse di bakilweng ke maduo a dipatlisiso ko bofelong ja dipatlisiso. Go rotloetsa tiriso ya maduo le dikgakololo tsa dipatlisiso, tirisano mmogo le dipuisano magareng ga babatlisisi, ba tsaya karolo le ba ba amiwang ke dipatlisiso di botlhokwa. Mo thutontsho e, tsela e, e tsewa ka go akaretisa tomagano mo sechabeng se se nang le tirisano mmogo, kutlwisisano, puisano le kemo nokeng.

Thuthuntsho e, e tswakatswakantse tiriso ya dikwalo tse di gatisitsweng, dipatlisiso tsa babatlisisi ba neetsweng tetla ke ba mmuso wa Botswana, maloko mangwe mo diphuthegong, ditshekatsheko tsa dikwalo, dibibliography le go lebelela ditsela tse di farologanyeng tse di supang tirisano mmogo magareng ga batsaya karolo le babatlisisi mo bokone jwa Botswana go tlhotlhomisa maikutlo mabapi le tiriso yadipatlisiso.

Thuthuntso e lemogile gore bontsi ja batsaya karolo ya dipatlisiso mo bokone jwa Botswana ke ba ba amanang le tsa thuto kgolo, le makgotla a a ikemetseng ka nosi (NGOs) a dirisanang le ba dikgwebo, maphata a a farologanyeng a puso, le sechaba ka karetso. Maduo a thutontsho a rurifaditse gore babatlisi ba ba inyalanang le ba tsaya karolo ba sa amanang le tsa thuto ko tshimologong ya dipatlisiso go ya bokhutlong, ba na le monyetla wa go bona dipatlisiso tsa bone di amogelesega, di bo di diriswa. Katlego ya bone e lebega e bakiwa ke go itlama go dira le go dirisana le batsaya karolo nako e telele mo bokone ja Botswana. Se se tiisa tirisano mmogo e e nonofileng le botlhe ba ba amegang.

Maduo a thuthuntso e a netefatsa gore dipuisano di ka tiisa tirisano mmogo mo metseng, mme di bo di anama le sechaba sa Botswana ka bophara le mafatshe a bapileng le Botswana mo borwa ja Afrika. Le fa tirisano mmogo e ntse e tsewetse mo sechabeng, go lebega e eteletse pele thata ke makgotla a a ikemetseng ka nosi, go botlhokwa go godisa kanamiso e mo letlhakoreng la batsamaisi ba puso, babatlisisi, le makalana a bojanala go gatelela botlhokwa, mosola, tsiboso, tshepo le kutlwisisano magareng ga ba tsaya karolo ba ba amiwang ke dipatlisiso.

Translated from English by Thareientsho Storytellers, Maun, Botswana, May 2021